



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na alumnonan di Colegio Arubano y
nan mayor(nan)/cuidado(nan)

Oranjestad, 23 di november 2023

COLAUA: 2023/2024–073

Topico: Actividadnan pa resto di e año calendario

Apreciabel mayor(nan)/cuidado(nan), alumnonan,

Dialuna ultimo tabata e ultimo dia di CP. Cu esaki e prome periodo di rapport a yega su final. Nos a inicia e siman aki cu periodo 2 y trahando pa yega final di e año calendario. E alumnonan di examenklas a traha durante e periodo di CP pasa na nan *profielwerkstuk* y tambe por a bishita Universidad di Aruba un dia pa un *Academic Experience*. Colegio Arubano kier finalisa año 2023 na un manera agradabel y special. Pa medio di e carta aki lo informa bo di diferente actividad cu lo tuma luga na scol durante e proximo periodo.

Reunion di rapport y anochi pa mayor

Durante e prome siman di december lo tuma luga e reunionnan di rapport pa e klasnan cu no ta esnan di examen. Durante e reunionnan aki ta pone den balans informacion adkiri di e prome periodo. Durante e periodo aki nos no tin lesnan cu orario reduci. Despues di e reunionnan di rapport lo tuma luga e anochi di informacion pa mayor cu mentor. Basa riba e resultado di rapport lo invita mayornan pa anochi cu mentor.

Bevorderingsnormen

Na principio di e luna aki Minister di Enseñansa y Deporte a establece e normanan oficial di ascenso (bevorderingsnormen) pa e año escolar aki. Esakinan nos a publica riba nos website. Ta trata di e normanan pa e klasnan cu no ta klasnan di examen. Ta determina e cifra final pa cada materia door di calcula e promedio di tur prueba y rond af e cifra na un cifra completo, sin coma. Durante e reunionnan di rapport lo uza e normanan aki pa determina cua mayor lo invita pa anochi di mayor.

Tayer tocante presupuesto pa klasnan di examen

Pa e klasnan di examen ta organisa e siman aki y otro siman un tayer tocante presupuesto. E candidatonan di examen lo haya durante e di 8 ora di les, segun un rooster cu ya a manda pa nan, informacion tocante e maneho di presupuesto como studiente.

Campaña di recaudacion

Pa hopi hogar, famia y alumno, e aña 2023 no tabata un aña facil, debi entre otro na aumento di prijs. Pa e motibo aki a dicidi, mescos cu aña pasa, di organisa un campaña pa recauda fondo. Ta pidi tur alumno pa haci donacion di alimento na esnan menos afortuna (via Sociale Fonds). Na scol lo tin bakinan grandi (na Emma- y 'banda grandi') unda e alumnonan por pone e cumindanan. E campaña di recaudacion lo tuma luga riba diabierna 24 di november, 1 di december y 8 di december. Den anexo 1 lo tin ehempel di e productonan cu por haci donacion. Pa duna e campaña un toke festivo, e alumnonan por bin scol riba e diabiernanan menciona, decora cu acesorionan di Pasco. Pensa riba sombre, sjaal etc. No obstante, e codigo di bistimento ta keda vigente. Colegio Arubano ta spera cu tur por contribui pa asina haci e hendenan contento durante temorada di Pasco. Nos ta spera di por conta cu boso apoyo.

Competencia di dibuho

Tambe lo organisa un concurso di dibuho. E alumnonan por busca desde awe un papel A3 na administracion of cerca concierge na Emma. Riba e papel aki nan por traha un dibuho. Riba 5 di december e alumnonan por entrega nan dibuho na administracion of cerca e concierge na Emma. Riba 8 di december, durante pauze lo saca e ganadonan. Tin bunita premio pa e miho dibuhonan!

Siman di Spirit

Despues di e gran exito di aña pasa, nos ta bolbe organisa e aña aki e siman di Spirit. Esaki lo ta di 11 t/c 18 di december. Cada dia lo tin un tema particular. E alumnonan por demostra nan banda creativo durante e dianan ey. E temanan ta:

Dialuna, 11 di december:	Anything but a bag day <i>Sea creativo pa bo carga tur bo cosnan di scol</i>
Diamars, 12 di december:	Turista riba bo isla <i>E alumnonan por bistu manera turista. Atencion: No ta permiti paña di lama, ni slof!</i>
Diaranson, 13 di december:	Barbenheimer <i>Esaki tabata un tendencia zomer pasa, ora e peliculanan di Barbie y Oppenheimer a yega cine pareu.</i>
Diahuebs, 14 di december:	Throwback Thursday <i>E alumnonan por bistu nan trahe di nan decada favorito.</i>
Diabierna, 15 di december:	Famous Friday <i>E alumnonan por bistu manera un personaje conoci.</i>
Dialuna, 18 di december:	Christmas morning <i>E alumnonan por bin scol den nan piyama navideño.</i>

E alumnonan mester ta bistu cu nan uniform di scol durante e siman di Spirit. Riba e dianan cu e alumnonan por bin cu disfras, e bistu mester ta decente y segun e codigo di bistimento. Nos ta spera cu e aña aki e siman di Spirit lo ta un exito atrobe.

Ultimo dia di scol pa aña 2023

Diamars, 19 di december ta e ultimo dia prome cu vakantie di Pasco. E dia aki ta un dia obligatorio di scol. Riba e dia aki a organisa pa tur nivel escolar y pa tur alumno un clausura agradabel di e aña calendario na un di e hotelnan. Scol tin un programa alternativo pa e alumnonan cu no por acudi na e actividad aki.

Facturnan di boekenfonds

E facturanan definitivo di boekenfonds ta riba <https://colegioarubano.aw/facturen>. Via e alumnunan e mayornan/cuidadonan ta ricibi, mas tarda, otro siman un carta (hardcopy) cu instruccion tocante con pa download e facturanan. Cada mayor/cuidado ta haya un carta personal cu nan propio codigo di acceso. Debi na rasonnan tecnico no ta posibel pa manda nan via e-mail.

Cu cordial saludo,
Den nomber di rectorado,



T.R. Croes M Ed
Rector